



Bosnia and Herzegovina
Federation of Bosnia and Herzegovina
CANTON SARAJEVO
Ministry of Justice and Administration

Broj: 03-04-04-25258/21
Sarajevo, 05.08.2021.godine

SKUPŠTINA KANTONA SARAJEVO
gosp. Elvedin Okerić, predsjedavajući Skupštine Kantona Sarajevo

PREDMET: Odgovor na zastupničko pitanje zastupnika Elvisa Vrete, dostavlja se –

VEZA: Vaš akt, broj: 01-04-25258-52/21 od 12.07.2021. godine

Na 38. Radnoj sjednici Skupštine Kantona Sarajevo, održanoj 08.07.2021. godine, u okviru tačke Dnevnog reda "Poslanička/zastupnička pitanja, inicijative i odgovori", zastupnik Elvis Vreto postavio je pitanje, kako slijedi:

"Na osnovu člana 106. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12), Vladi Kantona Sarajevo, tačnije resornom ministarstvu postavljam pitanje u kojoj je fazi izrada Nacrta Zakona o GSS KS obzirom na ranije pokrenutu inicijativu zastupnice Arijane Memić?"

S tim u vezi, Ministarstvo pravde i uprave Kantona Sarajevo, dostavlja sljedeći odgovor:

Nadležnost Ministarstva pravde i uprave Kantona Sarajevo, propisana je u članu 7. Zakona o organizaciji i djelokrugu organa uprave i upravnih organizacija Kantona Sarajevo („Službene novine Kantona Sarajevo“, broj 2/12-Prečišćeni tekst i br. 41/12, 8/15, 13/17, 50/20, 51/20 – Ispravka, 14/21), kako slijedi:

„Ministarstvo pravde i uprave vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti pravosuđa, pravobranilaštva, uprave i lokalne samouprave, poslove upravne inspekcije, poslove davanja mišljenja o usklađenosti zakona i drugih propisa koje donosi Skupština Kantona, Vlada Kantona i rukovodioci kantonalnih organa uprave sa Evropskom konvencijom o zaštiti ljudskih prava i osnovnih sloboda i drugim instrumentima za zaštitu ljudskih prava, koji imaju pravnu snagu ustavnih odredaba, kao i druge upravne poslove koji ne spadaju u djelokrug drugog organa uprave Kantona“.

Shodno citiranoj odredbi, ovo ministarstvo nije nadležno za izradu zakona kojim bi se regulisala oblast gorske službe spašavanja.



Kantonalna uprava civilne zaštite je, 24.05.2019. godine, uputila odgovor na zastupničku inicijativu zastupnice Arijane Memić za izradu Zakona o gorskoj službi spašavanja, u kojem je navedeno da je stava da je donošenje ovog zakona u nadležnosti višeg nivoa vlasti, te je predloženo da se ova inicijativa proslijedi nadležnom zakonodavnom tijelu Federacije Bosne i Hercegovine.

Predlažemo da se za dodatna pitanja i inicijative, koje se tiču gorske službe spašavanja, obratite Kantonalnoj upravi civilne zaštite.

S poštovanjem,

Dostaviti:

1. Naslovu;
2. Stručna služba Vlade Kantona Sarajevo – na znanje;
3. a/a.

MINISTRICA

Darja Softić Kadenić



web: <http://mpu.ks.gov.ba>
e-mail: mpu@mpu.ks.gov.ba
Tel: + 387 (0) 33 562-083,
Fax: + 387 (0) 33 562-241
Sarajevo, Reisa Džemaludina Čauševića 1

